

Broj: 01-11-10-00770-3/2023

Datum: 29.11.2024. godine

Na osnovu člana 21. Zakona o inspekcijama u Federaciji BiH („Službene novine F BiH“, broj 73/14 i 19/17 - odluka US), te člana 17. Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), direktorica Federalne Uprave za inspeksijske poslove donosi

O D L U K U

o izmjeni Plana javnih nabavki roba, usluga i radova Federalne uprave za inspeksijske poslove za 2024. godinu

Član 1.

Vrši se izmjena Plana javnih nabavki roba, usluga i radova Federalne uprave za inspeksijske poslove za 2024. godinu (u daljem tekstu: Plan nabavki) u dijelu Plana nabavki u kojem su prikazani postupci javnih nabavki „USLUGE“, kako slijedi:

- tačka 5., mijenja se i glasi: „Registracija i tehnički pregled službenih vozila, JRJN 71631200-2, Procijenjena vrijednost u KM bez PDV-a: 6.000,00 KM, Vrsta postupka: Direktni sporazum, Pokretanje postupka: decembar 2024., Zaključenje ugovora/OS: decembar 2024., Izvor finansiranja: Budžet“;

Član 2.

U ostalom dijelu Plan nabavki ostaje neizmjenjen.

Član 3.

Shodno izmenama Plana nabavki koje su izvršene članom 1. ove odluke, sačinjen je izmjenjeni i dopunjeni tekst tabele Plana javnih nabavki roba, usluga i radova za 2024. godinu, koji je sastavni dio ove odluke.

Član 4.

Ova Odluka stupa na snagu danom donošenja.

O b r a z l o ž e n j e

Odlukom direktora Uprave broj 01-11-10-00770/2023 od 5.2.2024. godine donesen je Plan nabavki Uprave za 2024. godinu.

Odlukom direktorice Uprave broj 01-11-10-00770/2023 od 1.7.2024. godine je izvršena hitna izmjena plana nabavki u koji su uvrštene usluge otklanjanja kvara na serverskoj infrastrukturi Uprave do koje je došlo zbog nestanka električne energije u cijeloj regiji dana 21.6.2024. godine.

Odlukom direktorice Uprave broj 01-11-10-00770-2/2024 od 30.10.2024. godine izvršene su izmjene i dopune Plana nabavki shodno preraspodjeli sredstava planiranih za nabavke na

način da su sredstva sa određenih stavki za koje nije postojala hitna potreba raspoređena i određena za nabavku roba, usluga i radova čija nabavka je ocijenjena prioritetnijom.

Planom je predviđeno provođenje postupka konkurentskog zahtjeva za dostavljanje ponuda za nabavku usluga registracije i tehničkog pregleda službenih vozila Uprave. Navedeni postupak je pokrenut u skladu sa Planom nabavki, te je dana 22.11.2024. godine izvršeno otvaranje blagovremeno pristiglih ponuda. Tom prilikom je konstatovano da sve zaprimljene ponude prelaze planirani i obezbjeđeni iznos sredstava za predmetnu nabavku.

Članom 69. stav (2) tačka e) Zakona o javnim nabavkama BiH je propisano da je „ugovorni organ obaveza poništiti postupak javne nabavke ako su cijene svih prihvatljivih ponuda znatno veće od obezbjeđenih sredstava za predmetnu nabavku“.

S tim u vezi, odlukom direktorice Uprave broj 06-11-11-06471-2/2024 od 27.11.2024. godine, a na preporuku Komisije za javne nabavke Uprave je poništen postupak konkurentskog zahtjeva za dostavljanje ponuda.

Prije pokretanja ponovljenog postupka nabavke u skladu sa Planom nabavki, utvrđeno je da postoji potreba za hitnom nabavkom usluga registracije i tehničkog pregleda određenog broja vozila, te da obzirom na vremensku dužinu trajanja postupka konkurentskog zahtjeva isti ne može biti okončan do vremena isteka važenja registracije za pojedina vozila.

Kako ne bi bilo dovedeno u pitanje normalno funkcionisanje Uprave i rada federalnih inspektora na terenu, posebno u uvjetima kada se provode pojačani inspekcijski nadzori, ukazala se potreba za hitno rješavanje pitanja registracije i tehničkog pregleda određenog broja vozila Uprave.

S tim u vezi, odlučeno je da se provede postupak direktnog sporazuma čiji predmet će biti isključivo registracija i tehnički pregled vozila kojima uskoro ističe registracija, s tim da će ova vozila biti izuzeta od nabavke koja će se provoditi putem postupka konkurentskog zahtjeva za dostavljanje ponuda, koji će biti naknadno proveden.

Kako bi se osigurala puna transparentnost postupka direktnog sporazuma i nediskriminacije potencijalnih ponuđača, kao i obezbjeđenja pravedne i aktivne konkurencije sa ciljem najefikasnijeg korištenja javnih sredstava, pozivi za dostavljanje ponuda će biti upućene na adrese ponuđača koji su dostavili svoje ponude u postupku konkurentskog zahtjeva za dostavljanje ponuda koji je poništen odlukom od 27.11.2024. godine.

Shodno navedenom direktorica Uprave je donijela ovu odluku o izmjeni Plana nabavki Federalne uprave za inspekcijske poslove za 2024. godinu, a izmjenjeni Plan nabavki će shodno odredbi člana 17. stav (7) Zakona o javnim nabavkama BiH biti objavljen na portalu javnih nabavki.



Dostavljeno:

1. Sektor za MFP
2. Sektor za plansko-analičke i tehničke poslove
3. Kabinet direktorice
4. a/a.